



中国术数学专业网站
大六壬学术研究论坛

<http://www.kebook.net>

大六壬集應鈴

正文前序

明 朱絲欄鈔本
黃賓廷撰

六壬集應鈴序

余嘗聞術家有六壬課其精於是者往往逆知來物
尅應如神而莫知其為何說也及隨牒三晉於吾友
葉菴先生處得宋邵彥和六壬口鑑三卷讀之一過
乃知是術由所值歲月日時支干而求陰陽五行之
玉相生克而得失萬物之吉凶悔吝雖其取用與易
異而其理亦未嘗或異於易也理不異於易而談易
者或鮮稱之是不深考之過耳先生又以六壬為書
多至一百四十二種余所有者二十七種每得一課
徧閱為艱因以口鑑為主以六十日為次以七百二

十課係之凡口鑑畢法心鏡等書有及是課者則條
列於後又附虛紙以候續得而第錄之通名之曰六
士集應鈴其爲己爲人之心可謂勤且厚矣方今邊
隅多警軍旅歲用入幕之資誠得是書而通之其於
運籌決勝之畧裨益將無多乎

大明弘治十五年歲在大火月在鵠首日在析木之
津龍臺逸史序

士課纂義序

六壬之書雖遍天下有之理趣之微卷帙之多欲獲
全書未之聞也若徐道符邵彥和凌福之三先生可
謂明斯道者予恨生之晚無由登其門雖有心鏡口
鑑畢法傳世其間心領神會之妙微乎微乎是道肇
自軒轅皇帝神授之文非有德者不過不傳君子得
之上可利於國家下可澤於生民蓋日用弗能無之
可以立身崇名趨吉避凶辨歟釋或欲陰德方便重
陰後賢者莫甚此爲最小人慎不可假之欺妄恣意
嗜利亦未善其後也矧天道昭然神明格焉非誠敬

烏可輕譁夫天即理理即天不誠則無物何吉凶昭
報之有且是書之理斯課之驗明如日星惟福忠孝
否則不之驗也原其所自不過一理而已矣易謂天
一生水壬水建祿于亥乃乾天之位數六屬金金生
水故名之六壬此天向一中分造化猶易象日月而
名尊乎天者法天象地參列三才也用正時干支五
行月將貴神太歲月建以藉其陰陽流行之氣氣化
神神化妙妙化無窮之理理見無窮之事即天地生
生化化之道形者形色者色亦自然之道也加臨日
辰陰陽取用三傳四課分晝夜逆順而行貴神察旺

相休囚以證得失詳生克制化斷其吉凶觀刑冲破
害驗乎成敗法五行而推類事物明一理而貫通異
同妙在人心貴手權變學者誠能留心於此熟讀玩
味以求至乎其極則一笑談之間雖百年窮達萬事
吉凶誠如目擊耳聞毫髮不爽殆理趣幽邃變化多
端非有超越才華弗能臻乎蘊奧夫課有七百二十
得其名六十四總其約為宗旨九課而已考之占法
分門擇例則又千緒萬端無所不該載也大而天地
山川小而昆虫草木惟茲九課大槩窮夫天下之理
巨細之事不亦難乎蓋引而伸之觸類而長之或謂

術數之學無取固往往視為輕易噫非不知也未之見也是道有未可勝記者且以六壬金華寶鑑一書三百八十卷之多又況其他者乎課文多近性理非精儒業者豈能明是道達是理耶世有顏閔才不親炙者莫能入其妙也又豈可輕易乎予家世隱居業儒以道誼得無偽予先生之傳惜未獲全書因心不能無歎然也耕讀之餘留心歲月辨疑釋惑間歷歷神驗若嗜醇醪玩美物醉而不舍喜而忘寐况愚性不樂奇怪斯課理之可尚者因閱課書例撮其要於日用者數事去繁從簡舍惟存常以便私覽庶得趨

避俾進退之間適當則樂天知命行法俟之俯仰而少愧怍矣予不敏萬分之一粗嗜糟粕敢不愧無學妄意拾成名之曰壬課纂義若夫精微之奧辭理之優以俟將來之筆亦幸後賢而教益之美庶全其書則於治道枝裔之餘慶有補焉

成化三年歲在丁亥孟春元日夷山老叟書